



Broj: 03-16-8-1456-10/16
Sarajevo, 26.10.2016.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda, broj: 03-16-8-1456-9/16, od 25.10.2016. u postupku nabavke autoguma za službena vozila Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donio je

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1456-9/16, od 25.10.2016. i Okvirni sporazum za nabavku autoguma za službena vozila Parlamentarne skupštine BiH se dodjeljuje ponuđaču Unitrade d.o.o., Bana Jelačića bb, 88 320 Ljubuški, čija ukupna cijena ponude za predmetnu nabavku s montažom bez datog popusta iznosi 16.615,92 KM bez PDV-a odnosno 19.440,63 KM sa uračunatim PDV-om.

II.

(1) Izabrani ponuđač dužan je dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 3.8. Tenderske dokumentacije za konkurentski zahtjev za dostavu ponuda za nabavku autoguma za službena vozila Parlamentarne skupštine Bosne i Hercegovine, broj: 03-16-8-1456-3/16, od 12.7.2016.

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ova Odluka o izboru najpovoljnijeg ponuđača će se poništiti.

III.

Prijedlog Okvirnog sporazuma dostavit će se na potpis izabranom ponuđaču po isteku roka od pet dana, računajući od dana kada su svi ponuđači obavješteni o izboru najpovoljnijeg ponuđača pod uslovom da žalba nije uložena i nakon prethodno pribavljenog mišljenja Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke autoguma za službena vozila Parlamentarne skupštine Bosne i Hercegovine, broj: 03-16-8-1456/16, od 18.5.2016. Javna nabavka je provedena putem konkurentskog zahtjeva za dostavu ponuda.

Procijenjena vrijednost nabavke iznosila je 20.000,00 KM sa uračunatim PDV-om. Obavještenje o nabavci broj: 166-7-1-21-3-15/16 objavljeno je dana 12.7.2016. na Portalu javnih nabavki, a istovremeno je Poziv za preuzimanje tenderske dokumentacije sa Portala javnih nabavki, broj: 03-16-8-1456-3a/16, od 12.7.2016. upućen i na adrese osam ponuđača i to:

- UNITRADE d.o.o., Bana Jelačića bb, 88 220 Ljubuški
- GUMA M d.o.o., Bišće Polje bb, 88 000 Mostar
- DJEM- TRANS d.o.o., Drinska 144, 71 000 Sarajevo
- SAVA TRGOVINA d.o.o., Briješćanska bb, 71 000 Sarajevo
- TAMEK-SON COMPANY d.o.o., Terezije 20, 71 000 Sarajevo
- AUTOMERC ŠKORO d.o.o., Safvet Bega Bašagića bb, 71 000 Sarajevo
- SIM IMPEX d.o.o., Ravnogorska 19, 71 123 Istočno Sarajevo
- TOTAL TRADE d.o.o., Spasovdanska 13, 71 123 Istočno Sarajevo

Tendersku dokumentaciju sa Portala javnih nabavki preuzelo je ukupno 11 ponuđača. Komisija za nabavke imenovana je Odlukom Kolegija Sekretarijata, broj: 03-16-8-1452/16, od 18.5.2016. Do termina zakazanog za predaju ponuda odnosno do 26.7.2016. do 14,00 sati za ovu nabavku pristiglo je pet ponuda i to:

Redni broj zaprimanja ponuda	Naziv i sjedište ponuđača
1.	Guma M d.o.o., Bišće Polje bb, 88 100 Mostar
2.	Total trade d.o.o. , Krnjinske srp. brigade 102, 74 000 Doboj
3.	Unitrade d.o.o., Bana Jelačića bb, 88 320 Ljubuški
4.	Euro Dam-Jas d.o.o. Lukavac, Lukavačkih brigada bb, 75 300 Lukavac
5.	M.R.M. export-import d.o.o., Put za Međugorje bb, 88 320 Ljubuški

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: 03-16-8-1456-4/16, od 26.7.2016, Zapisnik o otvaranju ponuda od 26.7.2016. i Zapisnik o pregledu i ocjeni ponuda, broj: 03-16-8-1456-9/16, od 25.10.2016., sa preporukom o izboru najpovoljnijeg ponuđača. Zapisnikom je konstatovano da ponude ponuđača Total trade d.o.o. Doboj i M.R.M. d.o.o. Ljubuški **nisu prihvatljive** za ugovorni organ jer ne ispunjavaju zadati uslov/dokaz iz tehničke i profesionalne sposobnosti iz člana 49. Zakona o javnim nabavkama na način definisan u tenderskoj dokumentaciji Ugovornog organa u pogledu dokazane testiranosti i preporučljivosti ponuđenih guma za sve uslove vožnje od strane evropskih auto-moto klubova ili specijaliziranih magazina na način da:

- ponuđač Total trade d.o.o. Doboj nije dostavio kataloge za ponuđene Tigar gume, a dostavljene EU oznake za sve ponuđene gume i neovjereni akti Preduzeća za proizvodnju guma Tugar Tyres d.o.o. Pirot, Srbija i Michelin Ruminija od 20.7.2016., u vezi s ograničenjem kvalitete ponuđenih guma, nisu ekvivalentni za ispunjavanje uslova testiranosti i preporučljivosti guma od strane evropskih auto-moto klubova ili specijaliziranih magazina.
- ponuđač M.R.M. d.o.o. Ljubuški je djelimično ispunio zadati uslov/dokaz, jer je za ponuđene Dunlop i Fulda gume dostavio kataloge s preporukama evropskih auto-moto klubova ili specijaliziranih magazine u pogledu njihove testiranosti i preporučljivosti za sve uslove vožnje, dok je za ponuđene Sava gume dostavio kataloge koji ne sadrže preporuke evropskih auto-moto klubova ili specijaliziranih magazina.

Zapisnikom je konstatovano da ostale ponude ponuđača Guma M d.o.o. Mostar, Unitrade d.o.o. Ljubuški i Euro Dam-Jas d.o.o. Lukavac su **prihvatljive** za ugovorni organ, jer ispunjavaju sve formalno pravne i tehničke/profesionalne uslove, odnosno zahtjeve ugovornog organa definisane tenderskom dokumentacijom, a po izvršenom vrednovanju i rangiranju prihvatljivih ponuda shodno utvrđenom kriteriju „najniža cijena“, tabelarni pregled-rang lista prihvatljivih ponuda je sljedeća:

Ponuđač	Ukupna cijena ponude za predmetnu nabavku sa uračunatim popustom i PDV-om	Rang
Unitrade d.o.o. Ljubuški	19.440,63 KM	1 (prvi)
Guma M d.o.o. Mostar	20.549,88 KM	2 (drugi)
Euro Dam-Jas d.o.o. Lukavac	21.669,76 KM	3 (treći)

U Zapisniku je također navedeno da ne postoje uslovi za primjenu preferencijalnog faktora isključivo u svrhu poređenja ponuda, pa isti nije ni primjenjivan. Također izvršeno je produžavanje važenja ponuda do 26.12.2016.

Shodno navedenom, Komisija za nabavke preporučila je Kolegiju Sekretarijata (Zapisnik, broj: 03-16-8-1456-9/16, od 25.10.2016. u prilogu), da u postupku nabavke autoguma za službena vozila Parlamentarne skupštine BiH, donese Odluku o izboru najpovoljnijeg ponuđača za Unitrade d.o.o. Ljubuški, čija ukupna cijena ponude za predmetnu nabavku s montažom bez datog popusta iznosi 16.615,92 KM bez PDV-a odnosno 19.440,63 KM (slovima: devetnaest hiljada četiristotinečetdeset i 63/100 konvertibilnih maraka) sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da ponuđača Unitrade d.o.o. Ljubuški izabere za realizaciju Javne nabavke autoguma za službena vozila Parlamentarne skupštine Bosne i Hercegovine putem Okvirnog sporazuma za period od 12 mjeseci, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- GUMA M d.o.o., Bišće Polje bb, 88 100 Mostar
- TOTAL TRADE d.o.o., Krmjinske srp. brigade 102, 74 000 Doboj
- UNITRADE d.o.o., Bana Jelačića bb, 88 320 Ljubuški
- EURO DAM-JAS d.o.o. Lukavac, Lukavačkih brigada bb, 75 300 Lukavac
- M.R.M. export-import d.o.o., Put za Međugorje bb, 88 320 Ljubuški
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____